

近代中國史料叢刊續編第二十輯
沈雲龍主編

欽定剿捕臨清逆匪紀略

舒赫德
阿桂
于敏中
纂

文海出版社

有限公司

印行

欽定勦捕臨清逆匪紀略

總裁提調收掌纂修諸臣職名

正總裁

經筵日講起居注官太子太保文華殿大學士文淵閣領閣臣
御前大臣鑲黃旗大學士領侍衛內大臣
舒赫德

經筵日講起居注官太子太保文華殿大學士文淵閣領閣臣
御前大臣鑲黃旗大學士領侍衛內大臣
阿桂

經筵日講起居注官太子太保文華殿大學士文淵閣領閣臣
御前大臣鑲黃旗大學士領侍衛內大臣
于敏中

副總裁

全錄手臣行其官制

W6235/15

太子太傅 御前大臣 領侍衛內大臣 都察院 御史 漕運總督 臣 福隆安

太子少保 議政大臣 御前大臣 領侍衛內大臣 戶部 尚書 管理 庫禮部 太常寺 臣 豐昇額

鴻臚寺 樂部 步軍統領 事務總管 府大臣 正 白旗 滿洲 都統 等 果 毅 繼 勇 公 和 珅

經 筵 講 官 戶 部 尚 書 臣 梁國治

刑 部 尚 書 今 任 直 隸 總 督 臣 袁守侗

都 察 院 左 都 御 史 任 漕 運 總 督 臣 阿思哈

理 藩 院 侍 郎 臣 索 琳

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



戶部右侍郎臣彭元瑞

滿提調官

刑部郎中今陞光祿寺卿臣保成

戶部員外郎今任雲南永昌府知府臣特昇額

工部郎中臣海寧

內閣侍讀臣海廣

漢提調官

戶部郎中今陞都察院左副都御史 臣 汪承霈

戶部郎中今任江西按察使 臣 馮光熊

刑部郎中今任河南懷慶府知府 臣 王嵩柱

戶部員外郎 臣 劉謹之

滿收掌官

兵部主事今任江蘇徐州府知府 臣 穆克登

戶部主事 臣 特克慎

理藩院郎中今陞江南道監察御史世襲輕車都尉臣佛喜保

戶部員外郎臣舒濂

漢收掌官

兵部郎中今陞浙江道監察御史臣史夢琦

吏部員外郎臣陸環

滿纂修官

吏部郎中今任直隸口北道臣永保

兵部郎中 臣 蘇楞泰

漢纂修官

翰林院編修 臣 李中簡

文淵閣校理內閣侍讀今任貴州布政使提調兼纂修 臣 孫永清

吏部郎中今陞通政使司參議提調兼纂修 臣 馮應榴

刑部員外郎今任山東運河道 臣 沈啟震

內閣中書今陞吏部主事 臣 馮培

欽定勦捕臨清逆匪紀略卷之一

乾隆三十九年秋九月乙卯

山東巡撫徐績奏言九月初二日午刻。臣接署

臨清州知州秦震鈞會同臨清營副將稟報據

堂邑縣張四孤莊民劉會等報稱。八月二十八

日起更時。本莊王聖如卽王經隆等率領多人。

手執兇械。放火傷人。署州會同副將卽親往查

拏等情。同日又接壽張營守備王廷佐稟稱。守備正在河干催漕。有存營馬兵崔重飛報。八月二十八日四更時。有賊聚衆。白布纏頭。各帶器械。爬入壽張城內。圍住文武衙門。搶劫倉庫。佔踞城池等語。守備隨星夜馳回。飛調本營各汛弁兵。并移知梁山范縣東昌三營官兵。星赴壽張。同力協拏等情。臣閱稟不勝駭異。隨即率同

中軍叅將海明酌帶本標官兵。由東昌一路進發。一面飛咨兗州鎮。臣惟一帶領官兵。由東阿一路進發。初二日酉刻。臣途次齊河。有壽張營兵丁閻逢源。馳向臣前。密稟壽張之事。係白蓮教煽惑本處愚民。聚眾滋事。臣查堂邑至壽張一百五十五里。該州營兩處稟報。或卽一起入犯。臣晝夜遄行。先赴壽張。督同各營將弁擒拏。

務盡并飭東昌府會同該管營汛飛赴堂邑查
拏。臣又接秦震鈞稟報現獲王經隆等案內王
經舉王經介等男婦二十一名口均交堂邑縣
收審撥兵護送回縣收禁。飭東昌府督同堂邑
縣嚴審確情究追餘犯從重辦理。

同日河東河道總督姚立德奏言九月初二日
卯刻據兗沂曹道松齡兗州府知府福森布稟

報八月二十八日夜間。壽張縣有賊匪多人越城放火殺人。搶劫縣庫縣署等情。臣卽自濟寧起程。帶領本標將備。酌撥兵丁。分路前往密行查拏。一面照會兗州鎮實力搜捕。一面飛移撫臣。并直隸河南二省督撫。及行大名道曹州東昌二府。與壽張連界之處。一體堵禦協拏。毋使匪徒遠颺。奏入。

上命軍機大臣傳諭徐績。妣立德曰：奸民滋事不法，實爲罪大惡極。然么膺烏合，不過自速其死。計徐績惟一。到彼會勦，自可迅卽就擒。各犯敢於圍官署，劫倉庫，踞城池，其情罪甚爲重大。一經擒獲，當按叛逆辦理。將爲首者立時凌遲，同惡相濟者亦卽斬決。俾衆共知儆戒，不得有心輕縱。亦不得節外株連。徐績所奏，拏獲堂邑張四孤莊各犯，交堂

邑縣收禁所辦未妥。此等奸民。既經拏獲。卽當嚴解省城聽候查審。堂邑正當匪犯滋事之時。豈宜復將其黨羽解回。應令國泰由彼馳往嚴審明確。分別辦理。再壽張逆犯均係肥城而入。其爲附近奸匪可知。各犯姓名居址亦無難踪跡而得。徐績應選派勇幹兵役。將各犯家屬先行收捕。解省監禁。使逆匪聞知其家屬已獲。心中驚懼。自更易於

就擒

丙辰

上命軍機大臣傳諭徐績嘉謨曰。壽張堂邑俱係八月二十八夜舉事。其中必有爲首之人。糾合約會。不可不徹底跟究。其壽張知縣沈齊義。當賊匪往劫時。能否督率丁役拒擊賊衆。抑或愚懦無能。賊至卽窘迫自盡。又或爲賊傷戕。并其眷屬亦爲賊

害均當查明分別辦理。至賊匪搶劫縣城。必非無因而起。或該縣平昔貪虐不堪。民情怨望。致釀事端。又或辦理不善。激生變故。該撫若據實奏明。不過失察處分。設或稍有迴護彌縫之見。則是心存欺罔。一經敗露。恐該撫不能當其罪愆。若果係白蓮邪教滋事。卽當先從倡教之處。迅速查拏辦理。至壽張當水路之衝。且爲回空糧艘所必經。該撫

須將此案迅速妥辦。勿使南下漕艘稍有阻礙。再
向來糧船經行。隨處僱覓水手。徐績應飭相近壽
張之沿河文武官。曉諭各幫船。於壽張一帶。不得
添覓水手。致賊匪得以冒名遠逸。現在嘉謨督押
回空船隻尚在直隸境內。恐於東省不及照應。卽
著徐績遍諭押運員弁。嚴行查察。勿稍容賊黨匿
跡遠颺。如或視爲具文。一經發覺。將該員弁重治

其罪。並著嘉謨。卽從陸路。遄赴壽張水次。親自查
察飭諭。毋任奸徒漏網。

臣等謹按我

朝仁濡義洽。惠養元元。百數十年來。羣黎百姓仰
樂利之休實。曠古所未有。

皇上御極以來。愛民保赤之心。尤歷久如一日。
恩膏所播。作息自安。洵無一夫不得其所。乃逆匪王

倫竟敢藉白蓮邪教煽惑愚民勾結黨羽以
圖謀不軌且破城劫庫戕官害民罪惡貫盈。
是其甘同梟獍忍外生成要不過自速其死。
而

宸衷猶欲然自惕當秋獮行廬。

覽奏之初卽降

旨以地方有司或有貪殘苛擾民情缺望致釀事端

嚴切

飭詢大吏。至再至三。此

聖主如傷在抱之誠。不特在廷臣工所共窺見。卽薄
海內外。凡有血氣之倫。孰不當深喻而感動
者乎。

丁巳

上命軍機大臣傳諭大學士舒赫德曰。壽張堂邑奸

民滋擾不法不可不迅速剿捕。但恐該省綠營兵庸懦無能且與奸民等或瞻顧鄉情不肯出力而徐績於軍旅素所未嫻恐不能深合機宜及早集事。昨降旨令舒赫德馳驛往南河督視漫工。今思舒赫德久諳軍務著卽由天津一路前往山東。舒赫德過天津時卽密告總兵永昌豫選該鎮綠營兵一二千聽候調用。又滄州駐防滿兵亦可密告

該城守尉酌選數百備調。又青州駐防滿兵。或可密檄該副都統。豫選數百備調。舒赫德行次德州時。探聽壽張之事。如徐績已經獲犯結案。舒赫德即可徑赴南河。辦理隄工。若徐績尚未辦完。舒赫德卽先帶德州駐防滿兵數百。星馳前往。出其不意。自可迅速撲滅。如兵力稍覺不敷。舒赫德卽酌量情形。應調何處。豫備兵若干。卽由驛急郵檄調。

舒赫德於調兵諸事。當有印信爲憑。起程時可帶
欽差大臣關防。前往備用。俟剿賊之事辦畢。舒赫
德卽由彼前赴南河。董視漫口堵築情形。刻期督
促合龍。以副軫念。

臣等謹按逆匪蟻屯烏合。自不難於剿除。然
或調度未宜。稍稽誅戮。卽足以爲害閭閻。我
皇上軫切民生。

特命臣舒赫德於董築河防之先。順道體察。嗣以選發勁兵。卽命臣舒赫德督理勦賊之事。臣舒赫德得以稟承

指示。籌畫施行。迨賊衆盡殲。而河隄亦適報合龍。山東淮甸。小民共樂安恬。益仰

聖主痾瘝隱念。實一視同仁。而輕重緩急之權衡。又絲毫不爽也已。

戊午

徐績奏言。臣於初四日。行至銅城驛。知逆匪於初二日夜間。已棄壽張縣城。攻擾陽穀。兗州鎮臣惟一。尾追殺入東門。衝出南門。殺斃逆匪多人。并拏活賊十六名。臣正在直趨陽穀。適接東昌府稟報。逆匪於初三日夜間。騷擾東昌府。現在固守等情。臣立即帶兵馳救。賊已於初四日

竄散。聞巨魁尚在陽穀。臣卽星夜赴擒。初四日
四更。行至七級。與河臣姚立德相遇。知陽穀賊
已散去。隨酌議分頭勦捕。適據東昌府稟報。賊
匪復來。臣與河臣卽帶兵馳赴東昌。入城時。
卽於東門外拏獲奸細二名。身邊搜出順刀白
布。訊供賊黨隨地潛伏。約定入城之人。放火爲
號。城外賊匪卽聚集攻城。爲首係壽張人王倫。

身穿黃馬褂。實有謀爲不軌形跡。賊夥約千餘人。隨地脇從。俱用白布纏頭。手執順刀木棍。每入城。止圖打劫銀錢到手。卽棄城不顧等情。卽將該二犯凌遲處死。梟示訖。又據探報賊匪於初四日傍晚。攻破堂邑縣而逸。臣與河臣細加商酌。賊匪竄伏無定。東追則西逸。若僅向一處追剿。逆匪轉得借逃竄以疲我兵力。必須四面

合攻。斷其去路。方可剿滅。臣現調德州高唐兩路官兵。由西北截其去路。飭臨清營拒住正北一路。并令兗鎮帶領河鎮兩標官兵。截住東路。臣親率泰安及本標官兵。從南路直攻。四面調度策應。剋期會剿。留河臣防守東昌。調布政使國泰料理糧餉。以期剋日剿平。至逆匪所擾壽張陽穀堂邑三城。俱將庫存銀兩搜劫。釋放監

犯。收入縣內。壽張縣知縣沈齊義。署堂邑縣知縣陳枚。壽張營遊擊趕福。陽穀縣縣丞劉希燾。典史方光祀。或因持械捕擊。或因罵賊不屈。俱被殺害。又據獲犯馬忠玉等。供稱。因壽張縣查拏邪教甚嚴。堂邑縣搜查張四孤莊放火殺人餘犯。是以俱懷恨殺害。現今壽張陽穀堂邑三處賊俱棄城而逸。並不屯踞。官兵會合。自可剋

期勦除淨盡。至臣蒙

皇上天恩。簡畀封疆重任。不能先事防察。以致逆匪肆害。至於此極。實無顏仰對

君父。現在賊未全獲。臣勢不與並存。乞將臣先行革任。臣當身先兵弁。盡除惡逆。卽赴部聽候治罪。臣不勝悚懼戰慄之至。

同日姚立德奏言。臣於初二日。帶領將備兵丁。

自濟寧起程。分路追擒賊匪。初三日巳刻行至東平州之戴家廟。傳聞逆犯已棄壽張。往劫陽穀。臣卽刻催督各路馬步兵丁。迅速前往接應。本日申刻。抵張秋鎮。適鎮臣惟一來晤。詢知逆首王倫。係奉白蓮邪教。煽惑愚民。到處迫脅入夥。謀爲不軌。嗣又據東昌府稟報。現在郡城亦有賊匪來擾。臣聞撫臣徐績。已赴彼剿賊。臣亦

帶兵星往接應。旋又據報。初四日晚。逆匪已攻擾堂邑。仍由西北而逸。臣查逆匪侵擾之處。雖過而不停。而人數漸衆。肆行劫殺。東昌地居要道。爲省城門戶。既有賊匪不時來擾。更宜嚴切守禦。臣行抵東昌。與撫臣細加商酌。臣在郡城駐守接應。撫臣添調官兵。親往督捕。并飛催鎮臣及臣標將備。四路圍截。剋期會剿。速除醜類。